

SCRIPT OF MORNING GOJRI NEWS BULLETIN 3 APRIL 2025

1015HRS

مارننگ گوچری نیوز بولیشن 3 اپریل 2025

یوہ آکاشوانی جموں بے محبوب سُلطانی تیں خبر سُنو۔

LS PASSES WAQF

لوک سبھا نے وقف ترمیمی بل ۲ ہزار ۵۲ نانہ حزب اختلاف کی طرفوں تجویز کردہ ترامیم غے بغیر منظور کرلیو ہے یو بل ایوان مانہ ۲ سو ۸۸ ممبراں کی حمایت جدکہ ۲ سو ۲۳ ممبراں کی مخالف سنگ منظور کیو گیو ایوان مانہ اس بل ور ۲۱ گھینٹاں توڑی بحث ہوئی جہیڑی رات دیر تک جاری رہی۔ وقف کی جائیداد نانہ منظم بنانوں تے ورثہ مقامات گا تحفظ تے سماجی فلاح وبہبود نانہ فروغ دینو ہے۔ اس تیں علاوہ اس بل گو مقصد وقف کی جائیداداں مانہ شفافیت نانہ بدھانو تے مقامی حکام گے بشکار ہم آہنگی نانہ بہتر بنانو تے نال ہی نال مسلم خواتین خاص طور ور بیوہ تے طلاق یافتہ خواتین کی سماجی تے اقتصادی حالت نانہ بہتر بنانو شامل ہے بل ور بحث گو جواب دیتا مانہ اقلیتی امور گا وزیر کیرن ریجیجو نے کہیو جے یوہ تاثر غلط ہے جے غیر مسلم افراد وقف بورڈ گا معاملات مانہ شامل وین گا اُنہاں نے کہیو جے بھارت اقلیتی برادری واسطے سب توں مضبوط ملک ہے حزب اختلاف کی طرفوں حکومت ور اقلیتی مخالف پالیسیاں گو الزام نانہ مسترد کرتا مانہ اُنہاں نے کہیو جے نریندر مودی حکومت نے پارسی جیسی نکی اقلیتی برادری گو وی خیال رکھیو وہ بے اُنغو مزید کہنو تھو جے یوہ بل مسلماناں کی مذہبی رسومات متعلق نہیں بلکہ وقف کی جائیداد بارے بے بحث مانہ مداخلت کرتا مانہ مرکزی وزیر داخلہ امت شاہ نے کہیو جے وقف بورڈ مانہ کسی وی غیر مسلم نانہ شامل کرن کی کوئی گنجائش نہیں اُن گو مزید کہنو تھو وجے یو بل مشترکہ پارلیمانی کمیٹی مانہ تفصیلی غور توں بعد کابینہ کی منظوری سنگ پیش کیو گیو حزب اختلاف کی طرفوں کانگریس گا گورو گگونی نے حکومت ور عوام نانہ گمراہ کرن غو الزام لاتا مانہ کہیو جے یوہ بل آئین گے خلاف ہے سماج وادی پارٹی گا اکھیلیش یادو نے کہیو جے حکومت یو بل مہنگائی بے روزگاری نوٹ بندی تے دیگر کانگریس گا کلیان بندجی نے اس نانہ غلط فہمی ور مبنی غیر معقول تے اپنی مرضی گو قانون قرار دتو۔

AAV PDS

جموں کشمیر حکومت نے اعلان کیو ہے جے عوامی تقسیم گا نظام غے تحت انتودیا انا یوجنا توں فائدو حاصل کرن آلا چار یاُس اضافی مفت راشن فراہمکیو جے گو مہارا آکاشوانی جموں گا نمائیندہ گے مطابق وزیر اعلیٰ عمر عبداللہ نے اس پہل نانہ عوامدوست فیصلو قرار دتو بے جہیڑو مالی سال ۲ ہزار ۵۲،۶۲ گا بجٹ مانہ کی اگیا وعدہ نانہ پورو کرریو ہے حکومت احکامات گے مطابق عوامی تقسیم گا نظام غے تھت اندراج شدہ خاندان کی اس گو فائدو چاسکیں گا اس ضمن مانہ دسیو ہے جے تمام سکیمان غے تحت ہر مستحق افراد نانہ متو متو ۰۱ کلو گرام راشن دیتو جے غو حکومت اعلان گے مطابق ۴ رکنی خاندان واسطے ۵ کلو اضافی راشن ۵ رکنی خاندان واسطے ۰۱ کلو اضافی راشن ۶ رکنی خاندان واسطے ۵۲ کلو اضافی راشن دتو جے گو اس ویلے ای ای وائی خانداناں نانہ ۵۳ کلو راشن مہینہ توں مہینہ مفت دتو جارہیو ہے چاول کھلی مارکٹ فروخت سکیم غے تحت مفت مانہ دیتا جیں گا جدکہ محکمہ خوارک تے عوامی تقسیم کاری کی طرفوں کنک گا فروخت نانہ

شروع کیو جے گو تے کنک پکن گو آتا دین بارے غور کیو جے گو وزیر اعلیٰ نے زور پاتا مانہہ کہیو جے ہر مستحق فرد نانہہ متا تو متہ ۰۱ کلو گرام راشن فراہم کیو جے گو تانجے خطہ گا سب توں کمزور طبقہ نانہہ مزید راشن فراہم کیو جاسکے۔

RGSA PANCHAYAT

بھارتی حکومت نے پندرہویں مالیاتی کمیشن تے راشنریہ گرام سوراہ ابھیان گے تھت جموں کشمیر مانہہ پنچائیت گا بنیادی ٹانچہ گی ترقی واسطے نمایاں فنڈز مختص کیا ہیں مہارا آکاشوانی جموں گا نمائینداں غے مطابق یا جانکاری لوک سبھا مانہہ منجوشرام گا سوال گا جواب مانہہ فراہم کی گئی جموں کشمیر واسطے اس سال ۹ سو ۰۷ پنچائت بھون گی منظوری دتی گئی ہے اس تیں علاوہ گزشتہ سال پنچائیت سطح ور جدید یاتی ٹانچہ نانہہ بہتر بنان واسطے ۱ ہزار کمپیوٹر فراہم کیا گیا تھا تے مزید رقومات مختص کرن گی منصوبہ بندی جاری ہے پندرہویں مالیاتی کمیشن گرانٹ گا حوالہ سنگ جموں کشمیر مانہہ مالی سال ۲ ہزار ۴۲،۳۲ مانہہ ۲ ہزار ۸ سو ۹۱ اشاریہ ۴۲ کروڑ روپیہ دیتا گیا تھا جدکہ موجودہ مالی سال واسطے ۳ ہزار ۵ سو ۰۲ کروڑ روپیہ مختص کیا گیا ہیں۔ حکومت مقامی طرز حکمرانی نانہہ مضبوط بنان واسطے بنیادی ٹانچہ نانہہ بہتر بنان گی وعدہ بند ہے تانجے پنچائیتاں نانہہ باختیار بنایو جاسکے۔

LHDCP

مرکزی وزیر مملکت برائے مچھلی پالن مال پاروں تے ڈیری پروفیسر این پی سنگھ بگھیل نے پچھلے تہاڑے پارلیمان مانہہ دسیو ہے جموں کشمیر مانہہ ۰۵ مابائل ویٹیزی یونٹس فراہم کی گئی ہیں جیہڑی مال پاروں گی صحت تے بیماریاں گی روک تھام کاپروگرام غے تحت دیتی گئی ہیں مہارا آکاشوانی جموں گا نامہ نگار گے مطابق مانہہ کساناں نانہہ بنیادی طبی سہولیات فراہم کر رہی ہے پروفیسر بگھیل نے کیو جے مرکزی حکومت ان موبائل یونٹس گو تعاون کر رہی ہیں تانجے کساناں نانہہ ان گا ہواں ور مال چوکھر گا طبی معالجہ گی سہولت مہیا کی جاسکے ان گو کہنو تھو جے یوہ پروگرام خاصو موثر چابت ہو رہیو ہے تے اس ویلے پورا بھارت مانہہ ۴ ہزار ۶۱ موبائل ویٹرنری یونٹس کم کر رہیا ہیں جن مانہہ جموں کشمیر وی شامل ہے وزیر موصوف گو کہنو تھو جے ان یونٹس نے لکھاں کساناں نانہہ فائدو دیتو ہے تے خاص طور ور ان علاقاں مانہہ جت روایتی مال چوکگر گا علاج خاطر ہسپتالاں تک رسائی محدود ہے جموں کشمیر مانہہ اس اسکیم گے تحت نمایاں مالی معاونت لبی ہے جن مانہہ ۰۵ موبائل ویٹرنری یونٹس واسطے حکومت تے ۳۱ کروڑ ۳۳ لکھ روپیہ مختص کیا ہیں۔

PRASAD IT

مرکزی وزیر مملکت برائے صنعت تے تجارت جتین پرساد نے پچھلے تہاڑے دسیو ہے جے جموں کشمیر نے مالی سال ۲ ہزار ۳۲،۴۲ مانہہ سافٹ ویئر اطلاعاتی ٹیکنالوجی مانہہ مجموعی طور تے ۲۴ اشاریہ ۲۱ کروڑ روپیہ گی برآمدات کی ہے مہارا آکاشوانی جموں گا نمائیندہ نے خبر ٹوری ہے جے پارلیمان مانہہ بولتا مانہہ جناب جتن پرساد نے دسیو جکے یوہ اعداد و شمار سافٹ ویئر آئی ٹی سنگ جڑیو وی خدمات تے آتو موبائل برآمدات سنگ جڑیوہ ہے انہاں نے مزید کیو جے بھارت گی سافٹ ویئر ٹیکنالوجی پارکس مانہہ اندراج یونٹس گی طرفوں جموں کشمیر نے ۱۴ اشاریہ ۳۹ کروڑ روپیہ گی برآمدات کی تے یوہ اعداد و شمار

ریاست گنا بدھتا وا اطلاعاتی ٹیکنالوجی سیکٹر گی بھارت گی مجموعی سافٹ ویر برآمدات
مانہہ شراکت نانہہ ظاہر کر رہیو ہے وزیر موصوف نے مزید دسیو جے جموں کشمیر گی آٹو
موبائل برآمدات اشہائی محدود تھی آٹو پرزہ جات گی برآمدات صرف صفر اشاریہ صفر ۲ کروڑ
روپیہ جدکہ موٹر گڈیاں تے کاراں گی برآمدات صفر اشاریہ ایک ۷ کروڑ روپیہ تھی جہیڑی
کہ جموں کشمیر کی آٹو مابوئل برآمدی شعبہ مانہہ محدود شراکت نانہہ ظاہر کر رہی ہے۔
